

吳
興
藝
文
補

吳興藝文補卷之十二目錄

李德裕

玄真子漁歌記

牛僧孺

昭義軍節度使辛公神道碑略

辛祕郡守

杜牧

吏部侍郎贈吏部尚書沈公行狀

沈傳師

玲瓏山題名

烏程

蔡襲秀才文

襲輒卒于湖

崔嘏

授沈詢翰林學士制

沈詢傳師子

沈光

吳興人與隋沈光同姓名

李白酒樓記

沈頰

傳帥孫

宜州重建小廳記

化洽亭記

時日無吉凶辨

登華旨

薛廷珪

湖州烏程縣尉李忠等授官仍量留等制

授膳部郎知制誥錢珣守中書舍人制

授溫潞湖州防禦判官李壇湖州防禦推官制

授孔兢陰縣令張標湖州錄事叅軍等制

授前京兆府叅軍錢珣藍田縣尉充集賢校理制

錢珣

見前

授陸扆兵部尚書制

史館相公請冊皇后表

爲宰相賀雨表

代宰相謝示白野鵲表

宰相諫罷討伐請不幸奉天表

爲集賢崔相國論京兆除授表

代史館相公讓官第一表

代史館王相公謝宣諭奸邪表

代王相公謝加門下侍郎食邑表

代崔相公謝加中書侍郎食邑表

代中書孫相公謝登庸表

代陸相公謝再入表

代史館王相公謝監修國史鹽鐵使表

代戶部孫相公謝授兄太常卿表

爲宰相謝內宴表

舟中錄序

論南郊內臣朝服狀

論南郊內臣朝服第二狀

顧雲

高公

唐風集序

皮日休

茶中雜詠序

補陸羽茶經

陸龜蒙

郡丞又寓公

書李賀傳後

爲孟郊

林嵩

周朴詩集序

周朴福州志云吳興人

吳越王錢鏐

鍾廷翰攝安吉主簿牒

吳興藝文補卷之十二目錄

終

吳興藝文補卷之十二

烏程董斯張選周彙編

閔元衢康侯叅輯

韓昌箕仲弓增定

玄真子漁歌記

李德裕

德裕頃在內庭伏覩憲宗皇帝寫真求訪玄真子漁歌
歎不能致余世與玄真子有舊早聞其名又感明主賞
異愛才見思如此每夢想遺跡今乃獲之如遇良寶於
戲漁父賢而名隱鵬夷智而功高未若玄真隱而名彰
顯而無事不窮不達其嚴光之比歟處二子之間誠有

裕矣長慶二年甲寅歲夏四月辛未日潤州刺史兼御史大夫李德裕記

昭義軍節度使辛公神道碑畧

牛僧孺

辛秘字藏之元和元年任湖州時觀察使李錡不奉詔舉江南六州兵獲京口窺采石渡臨江索流因命心腹將率壯士高職重賄鈞其膽且約曰若等當以某日同起取五刺史欲斬以號令在錡鎮實多年交有素故刺史不得隸兵馬及難作顏防用李雲驅市人舉常一戰敗走李素受縛于蘇項釘舡艙惟公以儒雅賊未急迫

公乃夜起撫左右曰僕若等有父兄妻子成其家皆天子恩也若等隨李錡爲賊乎左右皆泣曰唯公命乃開羅城門收湖下子弟得人數百公親以衣承之以食食之烝黑掩出劄壘始呼大戰州東斬將屠營值旦烝殲登城號令中外恬然於是時武功冠江南錡爲之失勢就縛天子親命使以金印紫綬賞公急詔徵爲河東軍司馬兼御史中丞

尚書吏部侍郎贈吏部尚書沈公行狀

杜牧

曾祖某皇任泉州司戶叅軍祖某皇任婺州武義縣主簿贈屯田員外郎父濟皇任尚書禮部員外郎贈太子少保公諱傳師字子言明春秋能文工書未弱冠知名我烈祖司徒岐公與公先少保友善一見公喜曰沈氏有子吾無恨矣因以馮氏表生女妻之貞元末舉進士許公孟容爲給事中權文公爲禮部侍郎時稱權許進士中否二公未嘗不相聞於其間者今其年禮部畢事文公詰許曰亦有遺恨曰爲誰曰沈某一人耳許曰誰家子某不之知文公因具言先少保名字許曰若如是

我故人子後數日徑詣公且責不相見公謝曰聞於
人或拔致中第是累丈人公舉遺其孤進故不敢自達
許曰至如公者可使我急賢請公不可使公因舊造我
明年中第文公門生七十人時人比公爲顏子聯中制
策科授太子校書郎鄆縣尉直史館左拾遺左補闕史
館修撰翰林學士歷尚書司門郎中司勳兵部郎中中
書舍人命服朱紫時穆宗皇帝親任學士時事機秘多
考決在內必取其長循爲宰相公之密補宏多同列每
欲面陳拜章皆互來告公必取規議用爲進退歲久當

爲其長者凡再公皆遂巡不就上欲面授之公奏曰學士院長叅議大政出爲宰相臣自知必不能爲凡宰相之任非能盡知天下物情苟爲之必至敗撓況今百姓甚困燕趙造亂臣以死不敢當願得治人一士爲陛下長養之因出稱病特降中使劉泰倫起之公稱益驚故相國李公德裕與公同列友善亦欲公之起謂說甚切公終不出因詔以本官兼史職出歸綸閣久處密近思効用於外歷集作請於丞相不已由是出爲湖南觀察使兼御史大夫凡三歲轉爲

此下諸本金同疑有脫逸按舊唐書沈傳師出爲湖

南人爲尚書省系
出爲洪州轉宣州
人困事繁惡易滋長
官人調授處得
防寬遠疏通蹊逕
人情物理無不曲盡
吏欲欺於此照
驗之端必明於彼
民有未伸于彼開
張之路必在於此
疊疊循環皆極根本
爲重刑罰杖十五
至於死者每有一
犯必具獄斷刑之
後遍示幕府吏雖
十人有一人以
爲小未可者必再
詳究經費遊宴約
事裁節歲有水旱
不可減於常貢者
必爲代之江西宣
州聯歲水災所貸
萬計公善養性情
自是方伯生殺之
任喜怒好惡是四
者閉覆渾然雖終
歲伺之不見毫髮
故黠吏欲賊公之

所向高下其事終不可得每處一事未嘗不從容盡理故所至之處富庶懽康理行第一每去任人吏泣送出境不絕自宣城入爲吏部侍郎二年考覈搜舉品第倫比時稱精能宰物之望屬于僉議公每願用所長復治於外及薨於位知與不知莫不相弔上悼惜輟朝一日贈吏部尚書與公先少保俱掌國史譔憲宗實錄未竟出鎮湖南詔以隨之成於理所時論榮之公生得靈粹沛然而仁自幼及長未嘗須臾間汲汲牽率欲及於道溫良恭儉明智忠信內積外溢自然相隨自有永至於

達官凡所交友皆當時名公獎美所長復救所不及三十年間無有攜聞者公常居中雖有重名每苦於饑寒兩求廉鎮時宰許之皆先要公曰欲用某爲從事可乎公必拒之至有怒者公曰誠如此願息所請故三鎮幕府皆取孤進之士未嘗有吏一人因權勢入嘗擇卽吏尹倫倫慙滯闕事寮佐多言之因請易之公曰某出京師面誠倫曰止可闕事不可多事是倫適能如此受不虛矣故三鎮號爲富饒凡十年間權勢貴倖之風不及於公耳苞苴寶玉之賂亦不至於權門雖有怒者亦不

敢以言議

公

然侵公其爲守道自得皆如此顚在家無

杖笞呵責家人自化兄弟生姓雖絕服者入門飲食衣服指使其奴婢無二等親戚故舊周給所得皆出俸錢不以家爲于京師開化里致第價錢三百萬訖三鎮牽率滿之及在牀之日周身之飾易以任罷京師仕人雜然言議以爲非今日之有指爲異事嗚呼公之德行可以稱古之君子矣牧分實通家義惟

集作推

先執復以屏

昧叨在賓席幼熟懿行長奉指教撤

集作泣

涕譔記以備

闕以附於史氏云爾謹狀

玲瓏山題名

杜牧

前湖州刺史杜牧大中五年八月八日來

祭龔秀才文

杜牧

維大中五年歲次辛未五月朔二日湖州刺史杜牧謹
遣軍事十將徐良敬致祭于故龔秀才之靈死者生之
極折脛而天復死之極言於前定莫得而推出於偶然
魂其寃哉鄉里何在骨肉何人卞山之南可以栖魂嗚
呼哀哉伏惟尚饗

授沈詢翰林學士制

崔嘏

勅右拾遺集賢殿直學士沈詢叅宥密之命處侍從之
地居可以備選用於他年動可以承顧問於此日不獨
取文翰適麗之才亦必求孤貞雅厚之士惟乃祖在建
中初以懿文奧學司我元良乃父當元和中以清規茂
行典我文誥能流積善之風鍾爾挺生之秀是用思彼
前德擢於後來置在禁闈光我詞苑爾宜勤其身以勞
夙夜弘其用以新志業無俾枚臯嚴助之流獨承榮於
漢帝况職當視草官列諫垣宜思及雷之忠更潤演綸
之美可守本官克翰林學士

李白酒樓記

沈光

有唐咸通辛巳歲正月壬午吳興沈光過任城題李白
酒樓夫觸強者覩繩而不發乘險者帖藩而不進潰毒
者隱忍而不能就其鍼砭搏猛者持疑而不能盡其膽
勇而不復視其強者弱者夷之毒者甘之猛者柔
之信乎酒之作於人也如是翰林李公太白聰明才韵
至今爲天下唱首業術正救天必賦之矣致其君如古
帝王進其臣如古藥石揮直刃以血其邪者推義轂以
輦其正者豈憑酒而作也憑酒而作者強非真勇太白

既以峭訐矯時之狀不得大用流斥齊魯眼明耳聰恐
貽顛踣故狎弄杯觴沉溺翹葉耳一淫雅目混黑白或
酒醒神健視聽銳發振筆著紙乃以聰明移於月露風
雲使之涓絜飛動移於草木禽魚使之妍茂騫擲移於
邊情閨思使之壯氣激人離情溢目移於幽巖邃谷使
之遼歷物外爽人精魄移於車馬弓矢悲憤酣歌使之
馳騁決發如睨幽并而失意放懷盡見窮通焉嗚呼太
白觸文之強乘文之險潰文之毒搏文之猛而作狎弄
杯觴沉溺翹葉是真築其聰翳其明醒則移於賦詠宜

乎醉而生醉而死余徐思之使太白疏其聰決其明移
於行事強犯時忌其不得醉而死生也當時骨鯁忠赤
遞有其人收其逸才華於太白至於齊魯結構凌雲者
有限獨斯樓也廣不逾數席瓦缺椽蠹雖樵兒牧豎過
亦指之曰李白常醉於此矣

宣州重建小廳記

沈 顏

界江南宣州實爲輿區凡厥貢之盛厥土之饒則古所
良也暨鉅盜起芒碭環弊於四方是邦載罹窘阨雖城
隍僅免而外無孑遺矣及兵部裴公慶餘去任竇常侍

津白池牧來臨蒞事未幾遽爲秦彥所據

一作取

姦連隣

愍一旦擁兵渡江引黨趙鏗以代已任是歲南徐劉顥
作亂揚州繼喪師律二境流離人不堪命弘農王方化
自淝水爰奮義旗詢于同盟則田公司空首決宏謀及
維揚克定秦彥就誅宣人有言曰何獨後予僕其來蘇
弘農王允憫是誠我公復勵兵進討鏗悉銳逆戰亟爲
崩之及追蹙保壘兵食內空而外不絕商市無改肆鏗
知人和在彼乃冒圍宵奔我公追擒之自此江表畧定
大順元年建子月孫儒大據維揚又來寇我舉不以義

自老厥師復爲我公擒之其衆盡潰弘農王去寧揚土
我公嗣總藩條天子嘉公之勲就轉左僕射命觀察於
是明年建寧國節度又明年加司空宣城府屬戎事便
廳久缺司署者進言曰蓋葺諸公曰民室未完民逃未
復於是用文德以來之旣來而安之不暮歲車者闌闌
舟者聯聯比屋滯貨盈市溢鄽司署者復進言曰民室
完矣民逃復矣公曰倉廩未實田野未闢於是薄其賦
而省其徭給其乏而賑其饑不暮歲荷耰秉耜樵磷于
泥如雲之稼穰穰在畦司署者復進言曰倉廩實矣田

野闢矣公乃許然後度材相址不憊匠事橫梁虹亘山
節峰峙嶸嶸崇崇觀者改視公喜退顧人曰凡事之治
不治無賢愚貴賤顯然知異觀此當其未治人咸懽之
及其治也人咸榮之則吾於爲政也豈不榮乎治哉我
今欲刊成績宜付所能則沈氏子以文售子其何可辭
焉乾寧二年乙卯秋九月八日記

化洽亭記

沈顏

寧國臨縣逕之東南古勝地也頃屬兵興以後盡目蕪
焉稂莠蔽川嘉樹不長氛煙塞路清泉不發幽埋異沒

誰復相之且邑汝南長君治民有瘳任人得逸乃卜別
墅就而營之前有淺山屹然如屏後有卑嶺繚然如城
跨池左右足以建亭丘隴高下足以勸耕泓泓盈盈漣
漪是生蘭蘭青青疎篁舞庭斯亭何名化洽而成民化
洽矣斯亭乃治長君未至物景頽圯長君旣至物景明
媚物之懷異有時之否人之懷異亦莫如是懿哉長君
雅識不羣愚不紀之孰彰後人時乾寧三年仲夏月十
有九日記之

時日無吉凶辯

沈顏

古者國家將有事乎戎祀必先擇時日以定其期是用
備物於有司習儀於禮寺俾臻其慮而戒其誠非所以
定吉凶決勝負也後之惑者不詳其故惟考時日妄生
穿鑿斯風不革拘忌益深至使凡庶之家將欲越一溝
隍拆一葭葦必待擇日而後爲之構一衡宇雖一榛蕪
必審方位而後爲之且吉凶繇人焉繫時日夫四達之
衢輪蹄未嘗息也五都之市貨賄未嘗絕也萬家之邑
斤斧未嘗斷也七雄之世戰伐未嘗已也其凶也必由
於人其吉也必由於人故吉人凶其吉凶人吉其凶一

於人之所爲而已矣然則惑者不知其在人也有一不
吉則罪於時日矣且以不謀之將不練之士有能以時
日勝者乎不耕之土不實之谷有能以時日種者乎以
鐵爲金以石爲玉有能以時日濟者乎是皆不能也則
時日於人何有哉夫王者之兵以德勝霸者之兵以義
勝其次以智其次以勇故古之名將未嘗不以此而戰
勝也未嘗不以此而立功者也

登華旨

沈 顏

嘗讀李肇國史補云韓文公登華嶽之巔顧視其險絕

恐慄度不可下乃發狂慟哭而欲縋遺書爲訣且譏好
奇之過也如是沈子曰吁是不喻文公之旨耶夫仲尼
之悲麟悲不在麟也墨翟之泣絲泣不在絲也且阮籍
縱車於途窮輒慟豈始慮不至耶蓋假事諷時致意於
此爾前賢後賢道豈相遠文公憤趣榮貪位者之若陟
懸崖險不能止俾至身危踣蹶然後嘆不知稅駕之所
焉可及矣悲夫文公之旨微沈子幾晦乎

湖州烏程縣尉李忠等授官仍量留等制

薛廷珪

勅具官某等青社雪溪之守各脩職貢俾爾來朝實
險艱所宜酬獎有以兼廷評之命而許留於官有以移
掌庾之秩而與夫椽臨海者皆遂爾畫錦之榮也可依
前件

授膳部郎中知制誥錢珣守中書舍人制

薛廷珪

勅具官錢珣孟子不云虞舜聞一善言見一善行若决
江河沛然莫之能禦也朕凝神穆清耽味墳史用爾掌
綸誥時推得人觀其書詞曼絕塵滓褒貶盡春秋之要

旨指歸決訓誥之源流傳聞四方平視三代而秉守甚
正韜藏有程介然獨行卓爾清峙閱爾之能事多矣聆
爾之嘉猷藹然信乎虞舜之心若江河之不能禦也俾
卽憲秩斯爲舊章夫叅贊樞衡典司綸綍職業彌重扶
搖漸崇勉副簡求無孤寵待可中書舍人

授溫潞湖州防禦判官李壇湖州防禦推一作判官

制

薛廷珪

勅具官溫潞等以潞常佐元戎有聞東魯會計叅畫聲
猷藹然以壇宗室菁英詞場透造撫青雲而抗足丁艱

運以隱鱗跡滯江湖價高甲乙方從梗泛言奉旨招贊
我勲賢開其淹恤而銖亦以將命頗謂有勞俞其奏章
各俾序選星郎侍史洎尉于縣屬者服我恩命各宜勉
之可依前件

授孔競陰平縣令張標湖州錄事叅軍等制

薛廷珪

勸孔競等或連帥奏請或郡守薦揚或勞績可稱罷免
斯久能自陳列動我聽聞宰邑糾曹皆其任也可依前
件

授前京兆府叅軍錢珣藍田縣尉充集賢校理制

薛廷珪

勅具官錢珣儒術可以厚風俗人文可以化天下粵我
皇祖肇基丕闡茲道及隋氏之政追孔門之風鼓篋升
筵者餘八千人邦寧本固者垂三百載詒厥坤陲不敢
昏迷佐予中興乃眷於是良重集賢藏書之府故用丞
相司之得選官屬將慎廢墜以珣禮爲身幹慎得言權
奉典刑之遺無辱趙氏爾宜窮四部之多正五體之別
無使我集賢殿不及漢興之東觀秘書也勉矣哉可

授劉崇望吏部尚書制

明制詞載英華
卷多錄其二

錢 珣

勅朕嘗考易象否泰之說詩人雨雪之作知君子消長
之際繫王者政理之端矧乃大宥已行衆累皆滌非其
罪者敬以命之具官劉崇望吉德在躬明誠格物辭倡
寡和自合正聲昭兆先知宜居前列朕初繼大統方求
國順侍從之臣論思在爾代言之下弘道良多察其寬
裕之姿授以弼諧之任恢張大禮師法碩人以掩綢過
爲所能以觀故事爲所樂頃因譏慝偶惑聽聞害賢曾
寘於典章尙德敢忘於覺寤顧直書之史冊何損於明

還暫免之冠綬且復其所流澤而余心未足經邦而卿
位乃虛來整軒裳再提衡鏡山谷密啟更廣規模楚客
離騷休勞諷諭勉居會府以率六卿可依前件

授陸戩兵部尚書制

錢 珣

勅周之九法歷代用焉進賢興功以分厥職故夏官之
重高位久虛則有寄秉化權方臨邦教惟人之命我不
敢私俾正衣冠用光表著具官陸戩貌先恭肅氣實清
明言欲訥於否臧德有容於辭飽中出而靜可謂達於
樂乎外作而文所以深於禮也頃以宏博奉吾論思繼

令祖之典謨去邪辭之枝葉洎當大用且屬多虞執政
雖新犯顏已憊我則有違蹇叔爾詎不如王陵剖竹遂
行伏蒲未足還好爵而來惟辨色掩閉門而退乃韜光
考之中庸有以自得往次六卿之首無輕一等之遷進
賢興功必在敦故可依前件

史館相公請冊皇后表

期又有中書
冊后表不錄

錢 珣

臣某言臣聞乾坤相配所以全覆載之功日月相隨所
以明照臨之道惟王建后助王若乾坤相配以成功若
日月相隨而行道古皇有制歷代皆然伏惟皇帝陛下

法天作聖引古爲師興邦則故於聰明爲禮必循於先
哲然則中宮久曠陰教罔修伏自累朝遂同廢典四海
絕仰觀之表九嬪無所統之尊誰詠國風空垂易象永
惟委墜可謂因循漢氏以來舊章不易常先立后始可
建儲今元良已視於東朝而柔順未臨於內職旣處正
位莫叙大倫臣等每奉清光累陳焚憲竊詳睿旨俯鑒
愚衷請問守繩必當告吉掖庭累行詎無白鵞之徵簡
策正名宜受金螭之錫臣等無任

云

正

爲宰相賀雨表

錢珣

伏以頃屬時雨稍愆聖慮憂軫尋舉祀典用禱玄琬臣
聞廣覆無親明德是輔誠之所動天則不高仲春以來
驕陽頗熾宵旰勞念生靈具知部樂空縣常羞盡臧遽
陳牲玉並走山川况便殿坐朝深形憂色不責輔臣之
咎恐貽赤子之心橐籥之間神祇咸聽既有聲聞之實
寧無昭報之期是以鸞隼忽興蛟螭遂作固得遠踰關
輔匪獨辟布郊圻君必動天歲有成於登麥臣雖克位
力不足於爲霖空喜滂沱敢言燮理甫田皆潤沴氣全
銷信可律於豐穰更何求於符瑞臣等無任云

云

代宰相謝示白野鵲表

珣又有賀白鵲白鵲鳴表不錄

錢珣

臣某等言今月某日高品張師道至奉宣聖旨示臣等
涇州所進白野鵲者臣聞白爲正色鵲實靈禽在五行
而賦稟金精於衆鳥而有殊羽族臣某中謝伏惟皇帝
陛下應上天之道必順五行遂萬物之情非徒衆鳥宜
獲降祥之類以昭致理之心是以素翼流光丹眸耀衆
俄呈瑞質能弄好音應圖諫以自來豈網羅之所得諸
侯入獻史氏明書寧同集樹之鳥堪金紀年之雀方開
景運實契禎符臣某謬贊皇猷竊觀神貺無任

云

云

宰相諫罷討伐請不幸奉天表

錢璵

臣某等言伏以伐叛興戎國之大事有不得已然後行之而食在兵先兵居謀後餽餉必足經畧無遺得必勝之帥臣有可用之勁卒然後更度利害熟計始終以是興戎乃可伐叛昨者陛下以某臣節有虧嘗犯天怒而易其鎮守猶示渥恩遷延未行苞藏難測聖慮潛察睿斷勇爲爰命宰臣使奉成算臣等雖承嚴旨敢不深思實以國用方虛軍糧難濟藩垣調發深恐依違難量於足食足兵二者皆所未備況去秋寇孽犯順鑾輅出居

宗廟震驚士庶流落尙賴皇威所被大憝尋平宮闕復
清生靈全活今纔周歲始得稍安至於畿甸之間尚有
瘡痍之疾臣等所以累因敷奏具寫便宜且乞明聖更
詳事理緩謀周慮全體養威必使盡叶事機而後重行
討伐愚誠無感睿志不移旬月之間血誠備瀝事行已
定不敢復言昨日仰奉天顏密承聖旨又欲出幸近縣
親督戎師仍慮寇盜奔衝且貴城壘堅固特令臣等更
其平章祇稟宸嚴敢不傾竭盡陛下將恐姦克遽至奔
軼遂欲先居高壘免動驚塵備審睿懷切在於此又以

爲出臨戎事促詔藩臣督集卒徒以速誅剪言於常理
固合所宜然臣披抉腹心陳其數事一則伏思朝廷今
日之事與建中之難不同當時猛將如雲謀臣如雨國
贍九年之蓄兵持百勝之權德宗皇帝出幸奉天以爲
長策一旦懷光繼叛晷刻難安遽遠宗祧遂奔梁漢陛
下視將帥之材與粟帛之積得如當時否天下盡忠之
力赴難之心又得如當時否以此度量實恐稍難二則
陛下雖處奉天之固不可遽棄京師忽使姦謀馳於間
道直趨闕下大縱戕殘陛下隔在孤城衆軍各圖其利

謀危救亂欲仗何人三則士庶疑懼之心尚賴宸極安
止若使鑾鈴順動禁掖頓空則萬姓之心一時何仰況
輕違廟社遽捨生靈自古帝王未嘗至此四則秋序肅
殺之氣金在西方昨者冒此用兵犯陰陽大忌今陛下
以一朝之怒忽萬乘之尊遠出皇居又衝王氣忝爲臣
子復列宰衡苟不盡言是負聖德五則凡有天象之變
所以儆動帝王昨者妖星頗多凌犯陛下深知戒懼且
降德音兼有禳祈欲銷災咎而銷災之本全在清靜無
爲今則伐叛用兵天心不易又欲當災星謫見之後衝

王氣以徃行訪於匹夫亦知不可惟此五事敢不具言
今則實在陛下英朗疏通且思守位以陛下語臣二者
之意評愚臣五事之言裁在宸衷以安大事去此就彼
聖慮自深輒貢直言難逃罪戾

爲集賢崔相國論京兆除授表

錢 珣

臣某言今月某日伏奉密詔具審聖旨欲以其官鄭浦
除京兆尹令臣進擬來者出自宸衷敢言違詔事非允
當今具奏聞伏以三輔之雄京兆居首王畿之理專制
甚難歷代重官當今急務比者任用多是丞郎給舍有

才之人或藩方善政之帥宣宗皇帝求理之切常輟翰
林學士韋澳授以此官今陛下固合且命中書令其公
選苟或未稱卽可改張鄭某自守周行頗聞靜守當官
蒞職亦極恪勤量材則可以序遷進善則無妨獎勸至
於關中戶口本貫京師轂下威權莫先尹正畿甸之內
諸鎮甚多都城之間萬戶來會責辦則供湏極衆整肅
則彈壓且殷鄭浦入仕之初曾爲塩州軍事判官幸守
章程粗成勞績因茲際會遂列朝班物望固輕厥歷未
久儻以此官除授必當不叶羣情向者嗣薛王知柔以

宗室大臣夙兼崇秩事功已著惣領方宜以漚代之恐
失所稱浦旣乏公望又匪異材遠達宸聰必因薦導失
舉之誤所繫非輕臣知禁出藩便憂京兆之任蓋二十
四縣無不凋殘况屬今秋又罹兵火鄉閭劫殺尚且未
安軍鎮侵陵比常多事賦輸之際撫緝尤難頃自黃巢
犯關災患相繼京畿百姓傷歿固多今所保全皆由自
備非爲兵器無不家藏寇至則設寨依山事已則還鄉
力穡可耕可戰自是精兵今近鎮多強不爲無事徵召
外藩騎卒朝廷又乏軍糧昨者猖狂兼爲患禍每宜深

戒不可遽忘實任京兆之權兼須武畧不惟便於政理亦要防於艱虞臣請便言與合睿算竊見某官李鉉兩朝宿將久立茂勲頗以威名彰於委寄衆情甚洽公論多推授以尹京必能通濟京畿制置兼以命之有權則可抑豪強用武則可清奸盜圖安之本全在京都備患之先無加軍旅鋌之才畧得以惣臨畿內人戶累經賊寇農收之暇訓練不難鄉閭自強侵擾固息無事則各營耕稼有慮則便執干戈不假饋糧又非失業旣安必集就便不煩況目下京都未能安堵速須制置安得因

循非李鋌不可委任事惟重難尋已叅詳外度人情防
思機便悉宜如此方敢陳論伏乞聖明靜賜睿覽以京
尹難理之事思當今奸弊之初用非材無望之人可以
控制於此若他時不濟何以謀安雖欲用典罪之固亦
無救於患且李鋌與臣無素分鄭浦與臣無宿嫌與奪
之間公當而已切於此事尋欲兼候奏聞便歸忽患瘡
瘻不離枕席近雖潰穴尚有本根固極虛羸且須將理
寢食敢忘於機務敷陳又隔於天顏遂敢直奉牋毫粗
達肝膈伏以反正之新致理仍恐有犯無隱臣心合罄

於此時從善如流聖政宜先於大者甚難甚切不敢不
論伏以睿斷精明臣等常切感忤今茲論列實與久從
儻或未察愚衷臣實不敢奉詔

代史館相公讓官第一表

珣有六表止錄其一又有爲王相公讓加司空

表徐相公讓加食邑表

崔相公讓官二表不錄

錢珣

臣聞在席之上讓而坐下人猶犯齒朝廷之位讓而就
賤人猶犯貴人情之間讓猶如此況其不讓無犯則難
而復台輔至崇鈞軸至重頃年陛下擢臣秉政莫獲固
辭已垂矣於當時政因循於今日伏惟皇帝陛下於君

臣之際今古所希有善必知有過必掩使之夾輔恐不
光昭故重罷崇名焜耀而常思假寵進言論道周旋而
盡鑒推誠上感天心臣非木偶今之讓爵蓋懼生災猶
慮天下之人將有所犯敢於翰墨畧布肺肝且陛下示
以殊恩增其貴秩當庶事苟同未稱在衆心必以爲非
旒扆寓臨宗祏權設有兵革未能載戢有法制未盡公
行凡此憂虞不遑寤寐茲以受命可謂稱乎聖澤纔流
謗言亦至縱朝行爲臣箝結顧寰海必自沸騰則上有
私於輔佐之間而臣關啟災咎之本繇是終始揣度進

退驚疑以此拜章實期得請陛下加臣以渥澤不若使
臣合物情寵臣以光華不若遣臣免災咎儻人言不息
天咎必來焉得自隱自欺不披不露伏惟洞開睿鑒俯
循愚衷且遣粗安更容陳力廣至明之德罷已降之書
昭示四方用新聖政臣某無任云

代吏館王相公謝宣諭奸邪表

珣又有代宰相謝賜帛表代宰相謝

御札表

不錄

錢珣

臣某等言臣嘗讀漢史竊見上官桀桑弘羊皆惡霍光
之忠於王室也欲奪其權遂詐爲燕王上書言光將有

非常之變而昭帝知其詭詐欲害賢良顯發怒言保明
元輔識者以爲漢昭之聰睿遠過周成臣等每閱其書
實感其事以爲後代不復有之今月某日獲延英奏事
親奉聖言且以陛下深懼艱屯欲清教化寤亂階於前
事窮蠹本於小人旣以誅鋤方期屏絕而常有技術賤
微之輩班行險躁之徒潛結詭譎謀輒投邪隙且相援引
遂有譖傷間譟滋深根株甚鉅而聖心不動睿鑒有融
盡辯讒諛靡容交亂致臣於不疑之地知彼有禍人之
心且赫揚於斯必令懲革覲於左右永杜奸邪臣等且

懼且驚載思載感還至公府未知所安樞密使其等又
至中書備傳臈旨伏知是李遂劉達等共謀推薦李潔
秉政因此大惑天聽君臣之所難聞乾坤之所共棄有
李遂之奏肆志巧言而陛下不以爲疑祗以爲怨凡所
布諭必盡洪纖某等復宣陛下之言不惟保任臣等莫
欲擊斷此輩彰明我心臣等稟命而思激情以泣自有
邦國誰無君臣今此讒邪忍施陷穽密構於一夫之口
何術可知潛行於萬乘之前何人敢辯雖陛下察之不
惑隱之不言有此釁端加於輔相臣之寤寐將至驚狂

一旦親奉光言俾行漢律使罪人斯得餘繼自安復使
微臣必無他慮食駃騠者未足爲德喻媒孽者未足爲
辭李遂輩擠臣於不測之谿陛下賜臣以援溺之手誣
臣以難明之罪陛下諭臣以必信之言彼昭帝之時漢
家方盛霍光之辨且有詐書今李遂得於艱否之朝進
傾危之計宸聰之外孰可得聞則臣等塗汙一浸江漢
難濯歿爲野土誰爲叫閭不有睿明焉知昭釋感入骨
髓誓諸神祇千拜首以何爲一剖心而始足惟當竭誠
啟沃戮力彌詣盡毀家紓難之謀繼圖國忘身之策尚

疑丹悃未荅皇私

代王相公謝加門下侍郎食邑表

珣又有代王相公謝食邑實封

表不錄

錢珣

臣立朝守嗣莫繼前修學古入官敢期高位伏遇皇帝
陛下道惟樂育志在紹聞待河清而先靜化源致俗阜
而深探理窟當乙夜縱觀之後啟輔臣夢得之休而遽
以平衡授茲弱質頗乖庶政莫達大經何施作栢之才
但累知臣之鑒猷兵而五兵尚在惟恐人殘祈穀而百
穀未升仍憂歲旱尋宜待罪已合避賢陛下慎以退人

容於竊位兼廻睿瞻遠正台階進當浴鳳之榮更懼惟
鵠之刺况增封建俾重弼諧臣且自量則爲不稱是以
陳辭瀝懇冀動天心拜章而方謂可安捧詔而未嘗得
請尚希終收渥澤遂寢典爨荷責實而有聞信假寵之
非晚徇之公道寤主所圖受辭既多懼君恩之大盛省
躬甚拙知官謫之必興

代崔相公謝加中書侍郎食邑表

琬又有代崔相公謝賜官誥三

表謝追贈
二表不錄

錢 珣

臣聞當可舉而後行則彝倫敘見有功而後進則勞臣

勸如或行不可舉進不見功是謂謬恩實維虛授臣學
非練達質異溫良致身而敢望坐茵措手而寧期補袞
嘗塵侍從且昧論思旣無酒誥之能莫金食時之敏忽
蒙聖造遽委化權佐運行而不應中台論燮理而未周
四序何言睿眷曲被微臣纔叨正秩之榮兼進疏封之
命戴恩無力臨事知非將投盈篋之書寧用濟川之楫
願迴玄鑒俯徇愚衷致公罪之無私在國章而克重光
昭聖德後戒貪夫

代中書孫相公謝登庸表

錢 珣

臣僇言臣聞佐天子理陰陽撫四夷遂萬物者宰相之職也然而能經國則可以佐天子達化源則可以理陰陽善柔服可以撫四夷造方圓可以遂萬物今臣才非經國智昧化源不知柔服之謀未達方圓之道使之執政必致曠官伏惟皇帝陛下與天同覆與日合明有言必訪於蒞蕘有用必搜於林藪今者初當出狩且欲興戎修至德以弭災動神機以伐叛復亨否運昭告玄穹是宜慎擇賢良光輔睿哲臣志雖懋學詭異混成但爲章句之徒莫應權衡之任陛下明恩委照聖鑑洞開拔

於駿正之司置在仰成之地越諸彝典授以洪鈞空驚
行潦之流忽載大川之楫遭逢獨異寢寐終疑願廻非
次之榮且降可行之命立朝在野必有其人省已捫心
莫知所措

代陸相公謝再入表

錢

珩

臣聞虞舜成湯之爲君也舉皐陶伊尹之賢處補袞宰
衡之任不仁自遠大道甚夷上可致君下可遂物相須
之用古策具書獲被寵靈再當燮理仰成之重內省至
難披肝鬲之所藏與封章之可達煩言無取睿睠莫廻

親奉清光復傾丹懇讓不容於稽首進可務以沃心伏
惟皇帝陛下睿哲守文高明立極廣好問則裕之美推
任賢勿貳之誠思舉直以化人待封比屋念偃兵而屈
已欲拜昌言是宜慎擇濟川博求在野並稷契之稱前
代若姚宋之贊本朝使竭謨猷以光輔弼臣器殊王佐
質謝鄉才常念立身但希承嗣未曉必聞之政合居不
急之官雖臨事秉心如秤敢期於輕重而自天率性佩
弦亦戒於因循頃者徒幸遭逢且垂斟酌旣歷公餽果
驗素飡旋叨就列之榮每荷匡瑕之道今者忽流霑澤

又執洪鈞信夢寢之難期詎著龜之可卜頃雖當軸竊
顙代庖是非誠畏於人言去就敢違於君命中台不耀
先慚箕斗之光元首自明何効股肱之力銜恩匪稱揣
分彌憂詞不盡於抽毫淚空知於承睫眉戴聖造辭莫
能揮

代史館王相公謝監修國史監鐵使表

錢珣

臣鑄言伏奉今月某日制書加授臣門下侍郎監脩國
史充諸道轉運鹽鐵等使者進當辨色動乏書恩寵光

忽降於昭回循揣空知於隕越臣聞可衛社稷謂之大
臣有利國家是爲公輔大臣所以能經濟公輔所以竭
訃謨儻昧於斯則同備位臣爲儒孤陋守嗣凌遲旣無
稽古之勤止望易農之仕安敢苟求進達濫冒名聲但
任顯愚獲逢濬哲聯叨服冕遽至秉鈞而莫貢昌言多
廢庶績復致省方之難皆由失職之愆且合自拘敢期
策免陛下克固知臣之鑒每推責已之誠雖罷燮調猶
當節制捧彤弓而欲去尚抱憂心指金鉉以復畱終廻
宸睠輔相之委近代所無不才何補於股肱有感徒深

於骨髓伏遇陛下勃興景祚丕變公朝掃蔽日之浮雲
納投水之堅石應機之急當寧不遵從諫之明轉圜未
速仰觀奮發實在斯須聖政惟新墜章咸舉宜求耆碩
共致承平今臣曲被膚慈仍加需澤黃樞正秩青史專
修典司運漕之權俾集牢寵之利屏躬承命俛首退思
固合避賢惟憂致寇保其終始賜以安全陛下且許乞
骸不令覆餗狗公爲理擇善任人幸非伯石之情敢待
召平之說且移盛寵別授通材顧叶澄清仍資庶富而
近臣遽降聖旨重臨難陳固讓之辭惟勵恪居之志雖

多言可畏，書經續而有所不聞，而內省堪憂，補玄袞而何能自効。

代史館王相公讓相位第一表

表有二錄其一

錢珣

臣某言：臣聞君人之私在始終而必遂，人臣之分於進退，以自圖。嘗觀古今莫不如此。臣謬從先訓，本涉儒流，傳之者猶有琴書教之者，令歸忠孝。臣之不佞，頗墜所承，唯於忠孝之心，實畏神明之責。策名游宦，止望周行。偶聖立身，俄塵大任。材同常士，寵過素期。雖欲遠慕前修，旁探令典，窺其事業，勵此顓蒙。副明王之憂勤，避衆

人之指笑而所務者生靈富壽每痛凋刻所制者兵革
弭寧尚聞侵伐赧然備位何以事君不惟久合避賢固
亦尋宜獲罪偷安四輔忽已六年假名罷而則崇執機
權而益拙循省是懼斯須不遑然臣於六年之中未忍
爲一朝之計者蓋以陛下信其愚直如見肺肝資以彌
諧終無疑間事不幸者必蒙曲恕心不欺者則荷明知
忝異禽魚感深骨髓強陳蹇力用荅聖慈今則曠敗漸
多智謀將竭不能引退定至顛危況陛下光復京師已
逾周歲臣之去就亦謂得宜竊見嶺南節度使薛王知

柔近有封章懇求替罷是以臣今日敢於便殿直冒宸
嚴乞免鈞衡得分節制赤誠盡寫天聽莫迴既集兢憂
彌增激切伏念臣之心力則未甚衰嘗學政經因叅戎
事尚可遠臨海服具舉化條每推糾率之勤兼濟邦家
之用謹謙無犯攻訐不私微臣所能度幾有效實非飾
詐輒罔睿明隳膽獻書期於聽允登壇受命皆是寵光
遂之則臣必有爲奪之則臣將不逮上惟君命乃獲始
終且使臣又全進退自昭聖德未爽舊章仰望鴻恩

代戶部孫相公謝授兄太常卿表

錢珣

臣某言伏奉今月某日勅命授臣親兄太常卿檢校右
僕射者霈澤下臨私室相慶臣某中謝臣兄某抱公藏
器據德有鄰爲善而不欲近名從政而但思利物自臣
遷升台輔獲導化源雖向國去權戒臣常切而入門避
事遠謫每深出趨垂拱之朝退務掩關之樂陛下禮行
舟楫念及墳荒慰其友愛之懷進以優崇之秩伏以九
卿之位歷代所尊舜以三禮命伯夷漢以奉常加稷嗣
倚古則重得人始光用典之難敢言兄氏方懷慚惕忽
荷皇私而階峻銀青寵華端揆喜溢在原之屬恩加當

軸之臣既激弼諧且弘名教股肱作之冀成鎮撫之功
手足相須但有胼胝之誓

為宰相謝內宴表

珙又有為兩省官
謝內宴表不錄

錢珙

臣聞古之王道美在詩人爰徵式宴之名則有鹿鳴之
什俎豆既列筐篚亦陳羣臣享而受之得使盡其心也
能追古道實在哲王臣某中謝伏惟皇帝陛下聖文有
作臨照克明昨者以告堯祖宗率兩宮而偕行重典祈
禱天地感百神而已報豐年方屬清和更弘慈惠遂當
暇日乃闢廣場既接輔臣並延卿士我心則悅洞開恩

尺之顏不醉無歸畢降獻酌之禮而又深形睿旨新製
樂章但臣等忠則有思拙而無補陛下勉其翼戴播在
絃歌竊聽鏗鏘空知慚感爲恩如此何力可勝徒以宮
殿飾同疑文符混一舞成奇字更俟太平待季子之請

觀笑吳宮之教戰盡如解慍詎異聞韶况凡有嘉邊親
令下筋巨細之事指顧不違鴻私曲被於茲辰寵遇頗
踰於往列仍蒙賜賚且極纖華伏自侍宴已來還家自
省變理欲酬於玄造終乏嘉謨傳聞空徧於遠方彌光
聖德君臣共樂史冊可書臣某無任

云

云

丹中錄序

錢翊

乙卯歲冬十一月余以尚書郎得掌誥命與申歲夏六月以舍人獲譴佐撫州馳暑道病秋八月自襄陽浮而下丹行無役因解束書視所爲辭藁剪剪冗碎可存者得五百四十篇丞相表奏百篇區別編聯爲二十卷夫體正而有倫辭約而居要始終明白茲所以爲誥也國朝聲名辭臣率能由是而作堂閣秘籙不與漢魏爭高下而荒學小子以一目視其穴隙聞其可見堂奧而得規摹哉以是代天子言誠不知而作也古者黜幽不過

考三載之績余冒居六年見考無績用是見黜不亦宜乎所編聯不敢以集稱理諸丹中遂曰丹中錄是年九月錢珣自序於沔陽之南

論南郊內臣朝服狀

錢珣

昭宗龍紀元年十一月己丑朔將有事於圓丘改御名曰曄辛亥上宿齋於武德殿宰相百寮朝服于位時兩軍中尉楊復恭及兩樞密皆朝服侍上太常博士錢珣李緯等奏論之曰

皇帝赴齋官內臣皆服朝服臣檢國朝故事及近代禮

令並無內官朝服助祭之文伏惟皇帝陛下承天御曆
聖祚中興祇見宗祧克陳大禮皆稟高祖太宗之成制
必循虞夏商周之舊經軒冕服章式遵彞憲禮院先准
大禮使牒稱得內侍省牒要知內臣朝服品秩禮院已
准禮令報訖今叅詳近朝事例若內官及諸衛將軍必
須製冠服卽各依所兼正官隨資品依令式服本官之
服事存傳聽且可俯從然亦不分明著在禮令乞聖慈
允臣所奏

論南郊內臣朝服第二狀

錢 珣

臣今日已時進狀論內官冠服制度未奉聖旨伏以陛下處事郊禋式遵彛範凡開典禮必守憲章今陛下行先王之典禮而內臣遂服先王之法服來日朝獻太聖祖臣贊寧皇帝行事若侍臣服章有違制度是爲非禮上竢祖宗臣期期不奉勅臣繆當聖代叨備禮官獲正朝儀感且不朽脂膏泥滓是所甘心

唐風集序

顧雲

大順初皇帝命小宗伯河東裴公掌邦貢次二年避者萊隱者出異人俊士始大集都下於羣進士中得九

山杜荀鶴拔居上第諸生謝恩日列坐旣定公揖生謂
曰聖上嫺文教未多張思得如高宗朝拾遺陳公作詩
出繼二雅馳驟建安削訾澀僻碎畧淫靡淺切破艷冶
之堅陣擒雕巧之酋帥皆摧撞折角崩潰解散掃蕩詞
場廓清文祲然後有戴容州劉隨州王江寧率其徒揚
鞭按轡相與呵禦來朝於正道矣以生詩有陳體可以
潤國風廣王澤因擢生以塞詔意生勉爲中興詩宗生
謝而退次年寧親江表以僕故山偕隱者出平生所著
五七言三百篇見簡詠其雅麗清苦激越之句能使貪

更廢邪臣正父慈子孝兄良弟順人倫紀綱備矣其壯
語大言則決起逸發可以左擘工部袂右拍翰林肩吞
賈岑八九於胸中曾不董介或情發乎中則極思冥搜
游泳希夷形兀枯木五聲勞於呼吸萬象悉於挾剔信
詩家之雄傑者也美哉裴公之知人信不誣矣於戲旌
別淑慝史臣之職也僕幸得爲之敘錄視其人齒尚壯
才力未盡謳吟之興方酣俟其繼作得如周頌魯頌者
廣之爲唐風集老而益精畱次序景福元年季夏述

茶中雜詠序

皮日休

案周禮酒正之職辨四飲之物其三曰漿又漿人之職
其王之六飲水漿醴涼醕醢入於酒府鄭司農云以水
和酒也蓋當時人率以酒醴爲飲謂乎六漿酒之醕者
也何得姬公製爾雅云櫛鬯茶卽不顯而飲之豈聖人
純於用乎抑草木之濟人取捨有時也自周已降及于
國朝茶事竟陵子陸季疵言之詳矣然季疵以前稱名
飲者必渾以烹之與夫滌蔬而啜者無異也季疵之始
爲經三卷由是分其源制其具敎其造設其詭命其煮
俾飲之者除瘠而去癘雖疾醫之不若也其爲利也於

人豈小哉余始得季疵書以爲備矣後又獲其顧渚山
記二篇其中多茶事後又太原溫從雲武威段礪之各
補茶事數十節並存于方冊茶之事由周至于今竟無
纖遺矣昔晉杜育有荈賦季疵有茶謁余缺然於懷者
謂有其具而不形於詩亦季疵之餘恨也遂爲十咏寄
天隨子

書季疵傳後

陸龜蒙

益州東野家貧受漂陽尉漂陽昔爲平陵縣南五里
有投金瀨瀨南八里許道東有故平陵城多標本合數

十抱藜篠蒙翳如塢如洞地窪下積水可活魚鱉東野
得之忘歸或比日或間日乘驢領小吏徑驀投金溝坐
于積水之旁苦吟到日西而去曹務多弛廢令褊躁下
急不佳東野之爲立白上府請以他尉代東野分其俸
以給之東野竟以窮去

周朴詩集序

林 嵩

顏子聖聲與日月而不盡黔婁貧譽等江河而共存嗚
呼先貧俱足亦顏黔之流而能於詩惜哉不雍容於金
馬門蹴踏宣尼戶乾符七年閩城殞賊悲夫先生名朴

字見素生於釣臺而長於甌閩與李建州頻友處士干
爲詩友一篇一詠膾炙人口鸞鸞屈軼祥瑞皇家迂避
而貧聾瞽不重高傲縱逸林觀宇宙視富貴如浮雲篋
珪璋如草芥惟山僧釣叟相與往還蓬門蘆戶不庇風
雨稔不秭歉不變晏如也詩人張爲嘗貽先生詩曰到
處只閉戶逢君便展眉閩之廉問楊公發李公誨中朝
重德羽翼詞人奇君之詩召而不往或曰達靈憐才而
子避之何也先生曰二公憐才吾固不往苟或見之以
吾之貧恐以攝假之牒見黜耳亦接輿於陵未能加也

松蟠鶴翅泥曳龜尾一丘一壑寬於天地先生爲詩思
遲盈月方得一聯一句得必驚人未暇全篇已布人口
有僧樓浩高人也與先生善掇拾先生遺文得詩一百
首中和二年冬十月携來訪余且驚且喜余欲先生之
文與方干齊集畢遂爲之序小子以詞賦博挂投文非
所業但直舉其美文覲作者

衢按福州志稱朴吳興人此云生于釣臺何相左也
徐大叅楚嚴志援引殊博如施肩吾從陸隱洪僨載
之而不及朴固自有見耳

鍾廷翰攝安吉主簿牒

吳越王錢鏐

前件官儒素脩身早昇官緒寓居霅水累歷星霜克循
廉謹之規備顯溫恭之道今者願求錄用特議掄材宏
吉屬城印曹闕吏俾期差攝勉効公方倘聞佐理之能
豈恡超昇之獎

吳興藝文補卷之十二